

ASUA-CHRIST

2 Ñwed Thessalonica 2:1-12; Daniel 7:7-28; 8:23-25; 11:21-24, 28-32, 36-38, 45; 12:1-3; Eriyarare 13:1-18.

QYQHQ UKPEP-ÑKPO 413

Eke Ikpọ Owo

IKQ IBUOT: “Koro ndibe odudu eribiat-ibet ọtọtọñ utom ke emi: edi ikemeke ndiyarare idem tutu ekpọnre andikpan efep ke usuñ” (2 Ñwed Thessalonica 2:7).

I Mme Ñkpọ-Ñtibe Emi Enyenede Ndida Itie Mbemiso Osim Ini Ukara Asua Christ

Mfiak-edem enyene ndibem iso ndu, 2 Ñwed Thessalonica 2:1-3.

Ntañ-ndọk ufọk-Abasi eyedara itie mbemiso asua-Christ ọwọrọ owut idem esie, 2 Ñwed Thessalonica 2:5-8; Isaiah 26:20, 21.

II Asua-Christ

Enam ediomu ye mme Jew, ekem ebiat, Daniel 9:27; 11:3-32.

Enye edi andikara ofuri ekondo, Daniel 7:7, 8, 15-25; 11:21-24, 28, 29; Eriyarare 13:7.

Satan edi andikara enye, 2 Ñwed Thessalonica 2:9-12; Daniel 8:23-25; Eriyarare 13:1-6.

Enye emenere idem esie onim nte Abasi, 2 Ñwed Thessalonica 2:4; Daniel 11:36-38, 45; Eriyarare 13:8-18; Matthew 24:15.

III Ukut

1 Edi ini ukut, Daniel 12:1-3; Matthew 24:21.

2 Abasi añaña ubiere-ikpe Esie ọduok ke ererimbot, Daniel 7:9, 10; Eriyarare 16:1-21.

3 Ekan asua Christ, Daniel 7:11, 12, 26.

4 Jesus Christ ada ibuot ukara, Daniel 7:13, 14, 18, 22, 27, 28.

SE EKPEPDE EBAÑA

Asua-Christ

Jesus ọkọdọhọ ete: “Mmedi ke Enyiñ Ete Mi ndien mbufo idarake Mi: owo efen ama edi ke enyiñ esiemọ, mbufo eyedara enye” (John 5:43). Owo emi edidide ke enyiñ esie do ididige efen ikan asua-Christ, emi John oduride utọñ abaña, “Mbufo ema ekop ete, andibiọñ-Christ ke edi” (1 John 2:18). Paul, owo-mbet etiñ abaña enye nte “owo eke edide ata abiat-ibet” “eyen nsobo.”

Etiñ enọ nnyin idahemi ete ke enye enyene ndidi, bemiso usen emi Christ edidide. Oro edi, enye eyedi onyũ akara mbemiso eriyarare Christ emi edidade itie ke ekperede utit ini ukut. Yak nnyin ise nte mme ñkpọ edidade itie ke nde ke nde nte ewetde ke 2 Ñwed Thessalonica Ibuot 2.

Mfiak-edem

Ke Akpa ifet, mfiak edem enyene ndidu. Ekeme ndidi se ikponde ikan ke mfiak-edem edi ndiwọnre ñkpọn akpa ukpep-ñkpọ emi Ufọk-Abasi ekenyenede nnyũ mbine obufa ukpep-ñkpọ eyo emi. Ediwak owo ekọbọ ke enyiñ, “Anditiene-Christ” edi ekañ uduot Christ nte Abasi. Mmọ edọhọ ete ke mmimọ ida ukpep-ñkpọ emi otode Ñwed Abasi, edi ekañ mme utibe-ñkpọ emi etode ke enye. Mmọ enyime Andikoñ-Ñkan” edi eda ukpep-ñkpọ Darwin ekpuhọre ke se ewetde ke Genesis ebaña Edibot ererimbot. “Enyene enyọñ enyọñ ido uteñe Abasi, edi isañake ñkpọ ye odudu eke odude ke uteñe Abasi. Wọnre kpọn mmọ eke etiede ntem.”

Edisana Spirit

Idahemi ke mfiak-edem ama ebe, nnyin ikot ibaña kiet emi osuk akade iso ndikpan asua Christ ndiwọrọ ñwut idem. “Koro ndibe odudu eribiat-ibet ọtọtọñ utom ke emi: edi ikemeke ndiyarare idem tutu ekpọnre andikpan efep ke usuñ. Adañoro ndien eyeyarare abiat-ibet oro” (2 Ñwed Thessalonica 2:7, 8). Enye emi ọbiọnre idighe efen ikan Spirit Abasi, Edisana Spirit emi ekedọnde

edi ke isõn ke usen Pentecost, ndien Enye ke odudu ke usen mfin ndiyom Ñwed-ndõ Christ. Edisana Spirit eyekpõn ererimbot emi ye Ñwan-ndõ Christ ndida nnyin nsõk Christ ke ini ntañ-ndõk Ufõk Abasi.

“Ikõt Mi mbufo eka ekeduk ke mme ubet mbufo, enyuñ eberi itim mbufo ebaha idem mbufo: edibe ini esisit ntem, tutu ikpahesit ebe” (Isaiah 26:20).

Ke ini ñwan-ndõ Christ edidude ke ndibe ebiet iduñ Abasi ndidia Udia-ndõ Eyen-Erõn, asua Christ eyewõrõ owut idem ke isõn. Ke ini asua Christ ama akakare ke esisit ini, Jehovah eyesobo enye ke “Eriyarare eridi Esie.” Eridi emi enyene ndidi eriyarare Christ ke ini Enye editõnõde ndikara ke tõsin isua.

Ndibe Odudu Eribiat Ibet

Ndibe odudu eribiat ibet emi akanamde utom ke mme usen Paul ke ananam utom õkpõsõn õkpõsõn ke emana nnyin emi akan. Kiet ke otu mme abiaña emi akpade owo idem mfin emi edi ukara emi oyomde ebuana kpukpru ñkpõ. Ikpikpu ukpono Abasi emi õkõnõ ke ifiõk mmõ emi minimke ite Abasi odu, emi Marx ye Engels eñwõnõde ndinam nyuñ nnim mme ñkpõ efõn ema, edi mmõ ekpep ndisin owo ke ufin ye ido eke minyeneke utit. “Ndien enye eyeduõk akpanikõ ke isõn, onyuñ anam ñkpõ, onyuñ okut unen (Daniel 8:12). Ke edinam mme owo esuk ibuot nnyuñ ñkara mme obio ke nsu ye abiaña, Ukara emi baba owo kiet minyeneke ñkpõ inõ idemesie (Communism) akabare enyene unen, idahemi enye akara kiet ke mbak ita ke ofuri ererimbot, onyuñ akara ibat owo emi ekande õyõhõ ubak ita ke ofuri ererimbot. Ukpep ñkpõ unana edifiõk Abasi emi õsuhõre Abasi onim edi emenere owo ye ukpep-ñkpõ ifiõk owo. Enye õñwõnõ emem, edi nsobo ye ediduõk iyip ekara. Ikpikpu abiaña ifiõk owo emi akabare owo osio ke uduot Spirit onyuñ esin ke uduot unam, ndien õnõ enye ubiomikpe mkpa ke ini owo minyimeke ndibõ mme ukpep-ñkpõ esie. Enye adara nsu, inõ, otime-otime ido, kpa ye uwot owo, man communism osuk aka iso.

Anam-idiõk

Oto ke õkpõsõn ndutime ke odudu erikara, owo emi õwõrõ owut idem, “eridi abiat-ibet oro oto ke ubõk utom satan, asaña ye kpukpru odudu ye mme idiõnõ ye nsu-nsu mme utibe-ñkpõ, ye kpukpru abiaña eke otode ukwañ ido.” Owo emi kpa asua Christ ke ekot “ata abiat-ibet” emi õwõrõde owo emi minimke ibet. Oro edi eti ñkpõ emi ekpetide. Ntak? Koro oro edi ukem-ukem se enye edide, owo emi abiatde ibet. Enye ikponoke baba ibet kiet, ibõhõke enye emi enye owukde.

Enye enyene ukeme ndibiaña abiaña emi ofuri ererimbot edisede enye ke mkpaidem. Ediwak owo eyefiori ete, “Anie ebiet unam oro? Anie onyuñ ekeme ndiñwana ye enye?” Enye etiñ mme ikpõ ñkpõ onyuñ oduri ererimbot õnõ idem-esie. Se edade edomo enye nte unam etie nte anawuri-ekpe, edi-ikõt (bear) ye lion. Emi eyedi idiõnõ ete ke ebekpõ esie õyõhõ ye mme ñkpõ emi etiñde ebaña ke Daniel 7. Ediye obbio Babylon, akwa odudu obio Medo-Persia, ndiye utom usõ ye nta-ifiõk obio Greece ye ibet emi ebietde ukwak ye mbet obio Rome edi se idianade kiet man enam owo esõnõ eda ke ndik ye idiõk andikara.

“Eyenyuñ okohore idem ke esit esie, onyuñ abiat ediwak owo ke ndue-idem mmõ.” Emem ye uforo, ñkpõ iba emi owo oyomde akan, edi se enye edinõde ke ekpri ibio ini. “Ndien enye eyesaña suñ-suñ edi, onyuñ ada ubõn ke nnem-inua” (Daniel 11:21). “Enye eyesaña suñ-suñ oduk ke ata eti ubak esie ñko; onyuñ anam se mme ete esie ekenam minamke, ye mme ete-ete esie; enye eyeda mbume ye ñkpõ ñwo ye inyene asuan õnõ mmõ” (Daniel 11:24).

Ñkpõ Mubiam Nsobo

Nte nnyin ifiõkde Daniel 9:27, asua Christ anam ediomu ye mme Jew ke isua itiaba (uruu ñkukut kiet). Ediomu emi asaña ye unen emi edinõde mme Jew ete yak mmõ ekebõp itie-ukpono mmõ ke obot Moriah, kpa ebiet emi Itie-ukpono Solomon okodude ke Jerusalem. Mme Jew etõnõ ukpono Abasi mmõ ye edifõp uwa ke Itie-ukpono mmõ. Ke ufõt ini emi, asua Christ abiat ediomu esie ye mme Jew, ndien “onyuñ emenere idem onim ke enyõn õbiõnõ kpukpru se ekotde Abasi enyuñ etuakde ibuot enõ; tutu enye etie ke Temple Abasi osio idem owut, ete idi Abasi” (2 Ñwed Thessalonica 2:4). Emi edi, “Ñkpõ mubiam nsobo, emi prophet Daniel eketiñde abaña” (Matthew 24:15).

Ke ndinam mme owo esuk eka iso ke ndikpono enye, nnyin ikut nte unam efen ɔwɔrɔde ke isɔñ, nsu-nsu mme anditiñ ntiñ-nnim ikɔ, emi utom esie edide ndikanare ererimbot esit mbaña uduot akpa unam oro, ndien ndinyuñ nno odudud nte yak esuk ibuot enɔ enye. Okposuk edi nte anditiñ ntiñ-nnim ikɔ abiaña emi ebietde eyen erɔñ, ikɔ esie ayararede ebiet emi odudu esie otode oro edi Satan, “edi etiñ nte Dragon.”

Idiɔñɔ Unam Oro

Ɔyɔhɔ odudu emi Satan enyenede oto owo iba emi ayarade ke ndiyom idiɔñɔ edinyime ke ubɔk nnasia mme ke ɔkpɔ iso kpukpru mmɔ emi edude ke idak esie. Owo emi minyeneke idiɔñɔ emi ikemeke ndidep mme ndinyam ñkpɔ, edi ke ebɔde idiɔñɔ emi enyene nditak ke nsinsi ikañ (hell). “Edieke owo atakde ibuot ɔnɔ unam oro ye mbiet esie, onyuñ ɔbɔde idiɔñɔ ke ɔkpɔ-iso mme ke ubɔk, enye nde eyeñwɔñ wine ifuresit Abasi, . . . eyenyuñ etuhɔre enye ke ikañ ye brimstone . . . ndien nsuñikañ ndutuhɔ mmɔ eyedɔk ke nsinsi-nsinsi: mmɔ inyuñ ikopke nduɔk-odudu ke uwemeyo, ye okoneyo, kpa mmɔ eke etuakde ibuot enɔ unam oro ye mbiet esie, ye owo ekededi eke ɔbɔde idiɔñɔ enyiñ esie” (Eriyarare 14:9-11). “Emek ke idem mbufo ndien, mfin emi, enye eke mbufo edinamde ñkpɔ esie” (Joshua 24:15).

Se Edade Edomo

Ukara satan emi ebede ke asua-Christ edi ata ibio-ibio. Tɔñɔ ke ini emi enye onimde idem esie nte Abasi tutu osim ke akpatre ukara esie edi mkpasip ɔfiɔñ aba ye iba. Da emi kodomo ye ukara emi Christ edikarade ke tɔsin isua kiet ke isɔñ, mmɔdo mek Christ mfin emi. Kut ete ke ewet enyiñ fo ke Ñwed Uwem Eyen-Erɔñ midighe ntre eyemum fi ke afia akari-ñkari. “Ndien kpukpru mme andiduñ ke isɔñ eyetuak ibuot enɔ enye, kpa kpukpru owo emi mikewetke enyiñ esie isin ke ñwed uwem eke Eyen-erɔñ, emi ekewotde toto ke eritɔñɔ ererimbot” (Eriyarare 13:8). Nte ewet enyiñ fo do?

Okposuk edi nte ukara asua Christ ɔñwɔñɔde ndinɔ emem, ndondo oro enye edimenerede idem esie nte Abasi, Andikpon ñkan eyeduɔk ubierikpe Esie ke ererimbot. Nnyin inyene ndikpep se ewetde ke Ñwed Eriyarare man ikut se iditibede ke ekpri ini ukut emi. “Edi mbufo etaba idap kpukpru ini, enyuñ ekpe ubɔk, man mbufo ekpekeme ndibɔhɔ kpukpru ñkpɔ oro ediwɔrɔde, nnyuñ nda ke iso Eyen Owo” (Luke 21:36).

MME MBUME

- 1 Siak mme ñkpɔ emi edidade itie mbemiso Christ akara ke tɔsin isua.
- 2 Mfiak-edem ɔwɔrɔ didie?
- 3 Asua-Christ ada odudu esie oto mmɔñ?
- 4 Ukara esie atara didie?
- 5 Nso iditibe inɔ mmɔ emi ebɔde idiɔñɔ esie?
- 6 “Ñkpɔ mbubiam nsobo” ɔwɔrɔ didie”
- 7 Nso enyuñ efen ke ikɔ Abasi ɔnɔ asua-Christ?
- 8 Ukara asua-Christ edibighi didie?
- 9 Asua-Christ onim ebekpo ukara esie ke mmɔñ?
- 10 Enam didie ebɔ asua Christ ukara?